

御纂醫宗金鑑卷四十四

編輯婦科心法要訣目錄

調經門

婦科總括

天癸月經之原

婦人不孕之故

月經之常

月經異常

外因經病

內因經病

不內外因經病

血色不正病因

氣穢清濁病因

愆期前後多少病因

經行發熱時熱

經行寒熱身痛

經行腹痛

經行瀉吐

錯經妄行成吐衄崩

經水過多兼時下白帶

調經證治

四君子湯

異功散

六君子湯

香砂六君子湯

七味白朮散

參苓白朮散

歸脾湯

逍遙散

八珍湯

十全大補湯

雙和飲

人參養榮湯

理中湯

四物湯

桂枝四物湯

麻黃四物湯

柴胡四物湯

玉燭散

先期證治

芩連四物湯

地骨皮飲

膠艾四物湯

芩朮四物湯

桃紅四物湯

當歸補血湯

聖愈湯

薑苓四物湯

佛手散

過期證治

過期飲

雙和飲

聖愈湯

人參養榮湯

經行發熱時熱證治

加味地骨皮飲

六神湯

逍遙散

經行寒熱身痛證治

羌桂四物湯

逍遙散

黃耆建中湯

經行腹痛證治

當歸建中湯

加味烏藥湯

琥珀散

大溫經湯

吳茱萸湯

經行吐瀉證治

參苓白朮散

理中湯

七味白朮散

香砂六君子湯

錯經妄行吐衄崩證治

三黃四物湯

犀角地黄湯

經閉門

血滯經閉

血虧經閉

血枯經閉

經閉久嗽成勞

婦人經斷復來

室女經來復止

師尼室寡經閉

血滯經閉證治

三和湯

吳茱萸湯

琥珀散

四物湯

血枯血虧經閉證治

六味地黃湯

玉燭散

養榮湯

十全大補湯

經閉久嗽成勞證治

切勞散

婦人經斷復來證治

芩心丸

益陰煎

十全大補湯

八珍湯

逍遙散

歸脾湯

室女師尼寡婦經閉證治

大黃廩蟲丸

澤蘭葉湯

栝子仁丸

逍遙散

婦病難治

診看婦人須先問經期妊娠

御纂醫宗金鑑卷四十四

編輯婦科心法要訣

調經門

婦科總括

男婦兩科同一治所異調經崩帶癥嗣育胎前並
產後前陰乳疾不相同

註

婦人諸病本與男子無異故同其治也其異
於男子者惟調經經閉帶濁崩漏癥痕生育
子嗣胎前產後諸病及乳疾前陰諸證不相

同耳故立婦人一科以分門而詳治焉業是
科者必先讀方脈心法諸書然後讀此自有
豁然貫通之妙

天癸月經之原

先天天癸始父母後天精血水穀生女子二十天
癸至任通衝盛月事行

註

先天天癸謂腎間之動氣乃稟自父母資其
始也後天精血謂水穀之所化得之形成之
後資其生也經曰女子二七而腎氣盛謂腎

間動氣盛也二七而天癸至謂先天癸水中
之動氣至於女子胞中也衝爲血海任主胞
胎衝任皆起於胞中所以任脈通太衝脈盛
月事以時下故能有子也

婦人不孕之故

不子之故傷任衝不調帶下經漏崩或因積血胞
寒熱痰飲脂膜病子宮

註

女子不孕之故由傷其任衝也經曰女子二

七而天癸至任脈通太衝脈盛月事以時下

故能有子若爲三因之邪傷其衝任之脈則
有月經不調赤白帶下經漏經崩等病生焉
或因宿血積於胞中新血不能成孕或因胞
寒胞熱不能攝精成孕或因體盛痰多脂膜
壅塞胞中而不孕皆當細審其因按證調治
自能有子也

月經之常

月經三旬時一下兩月並月三居經一年一至爲
避年一生不至孕暗經

註

女子陰類也以血爲主其血上應太陰下應
海潮月有盈虧潮有朝夕月經三旬一下與
之相符故又謂之月水月信也女子月經一
月一行者其常也或先或後乃其病也然亦
有兩月一行謂之並月者有三月一行謂之
居經者有一年一行謂之避年者有一生不
行而依然能孕育謂之暗經者此所稟之不
同而亦非病不須治也

月經異常

經期吐血或衄血上溢妄行曰逆經受孕行經曰
垢胎受孕下血漏胎名

註 婦女月經一月一下此其常也若經行而吐
血衄血上溢妄行者是謂逆經有受孕之後
月月行經而產子者是謂垢胎有受孕數月
其血忽下而胎不墮者是謂漏胎此皆月經
之異乎常者也

外因經病

天地溫和經水安寒凝熱沸風盪然邪入胞中任

衝損婦人經病本同參

註

經曰天地溫和則經水安靜天寒地凍則經水凝泣天暑地熱則經水沸溢卒風暴起則經水波湧而隴起六淫之邪入於胞中則損傷衝任故婦人經病本此同參也如寒則血凝熱則血沸風則血盪然波湧而大下亦猶經水之被寒熱風而不得安瀾也

內因經病

婦人從人不專主病多憂忿鬱傷情血之行止與

順逆皆由一氣率而行

註

婦人從人凡事不得專主憂思忿怒鬱氣所傷故經病因於七情者居多蓋以血之行止順逆皆由一氣率之而行也

不內外因經病

血者水穀之精氣若傷脾胃何以生不調液竭血枯病合之非道損傷成

註

血者水穀之精氣也在男子則化爲精在婦人則化爲血上爲乳汁下爲月水若內傷脾

胃健運失職飲食減少血無以生則經必不
調亦有女子天癸既至踰期不得與男子合
未期思與男子合與夫經正行時而合此皆
合之非道亦致不調或過淫合多則液竭產
多乳衆則血枯亦皆能損傷陰血致成經病
也

血色不正病因

血從陽化色正紅色變紫黑熱之徵黃泔淡紅濕

虛化更審瘀塊黯與明

血屬陰從陽化故其色以正紅爲正雖有經
病亦易爲治也若色變深紅紫黑乃熱之徵
也或黃如米泔乃濕化也淺淡紅白乃虛象
也更當審其有瘀有塊色黯色明以治之若
黯而紫黑兼見冷證多屬寒凝若明而紫黑
兼見熱證多屬熱結也

氣穢清濁病因

熱化稠黏臭必穢寒化清澈臭則腥內潰五色有
臟氣時下而多命必傾

註

凡血爲熱所化則必稠黏臭穢爲寒所化則必清澈臭腥若是內潰則所下之物雜見五色似乎膿血若更有臟腐敗氣且時下不止而多者是危證也其命必傾矣

愆期前後多少

經來前後爲愆期前熱後滯有虛實淡少爲虛不脹痛紫多脹痛屬有餘

註

經來或前或後謂之愆期皆屬經病經來往

前趕日不足三旬者屬血熱若下血多色深

紅而濁則爲有餘之熱若下血少色淺淡而清則爲不足之熱也經來往後退日過三旬後者屬血滯若色淺淡血少不脹痛者則屬氣虛血少滯滯不足之病若色紫血多腹脹痛者則屬氣實血多瘀滯有餘之病也

經行發熱時熱

經行發熱時潮熱經前血熱經後虛發熱無時察
客熱潮熱午後審陰虛

註

經行發熱時熱潮熱之病若在經前則爲血

熱之熱經後則爲血虛之熱發熱時熱多是
外感須察客邪之熱午後潮熱多屬裏熱當
審陰虛之熱也

經行寒熱身痛

經來寒熱身體痛當分榮衛與虛實有汗不脹衛
不足無汗而脹榮有餘

註

經來之時惡寒發熱身體疼痛者當分榮衛
虛實若發熱惡寒身痛不脹而有汗者屬衛

虛榮不足若發熱惡寒身脹痛而無汗者屬

榮實衛有餘也

經行腹痛

腹痛經後氣血弱痛在經前氣血凝氣滯腹脹血滯痛更審虛實寒熱情

註

凡經來腹痛在經後痛則爲氣血虛弱經前痛則爲氣血凝滯若因氣滯血者則多脹滿因血滯氣者則多疼痛更當審其凝滯作脹痛之故或因虛因實因寒因熱而分治之也

經行瀉吐

經行泄瀉是脾虛鴨澹清痛乃寒濕胃弱飲傷多嘔飲食傷必痛吐其食

註

經行泄瀉乃脾虛也若鴨澹冷痛是寒濕也
經行嘔吐是胃弱也若嘔出涎飲則是傷飲
若吐出食物則是傷食然傷食者多痛而吐
食傷飲者不痛而嘔飲也

錯經妄行成吐衄崩

逆行吐血錯行崩熱傷陰陽絡妄行血多熱去當

用補血少雖虛須主清

言婦女經血逆行上爲吐血衄血及錯行下爲崩血者皆因熱盛也傷陰絡則下行爲崩傷陽絡則上行爲吐衄也若去血過多則熱隨血去當以補爲主如血少熱尙未減雖虛仍當以清爲主也

經水過多兼時下白帶

多清淺淡虛不攝稠黏深紅熱有餘兼帶時下濕熱穢形清腥穢冷濕虛

註

經水過多清稀淺紅乃氣虛不能攝血也若

稠黏深紅則爲熱盛有餘或經之前後兼赤
白帶而時下臭穢乃濕熱腐化也若形清腥
穢乃濕瘀寒虛所化也

調經證治

四君子湯

異功散

六君子湯

香砂六君子湯

七味白朮散

參苓白朮散

歸脾湯

逍遙散

八珍湯

十全大補湯

雙和飲

養榮湯

理中湯

補養元氣四君子參苓朮草棗生薑異功加陳兼

理氣虛痰橘半六君湯嘔吐香砂六君子渴瀉七
味藿葛香脾瀉參苓白朮散薏桔山蓮砂扁方思
慮傷脾損心血歸脾歸耆棗遠香減參加柴歸芍
薄逍遙調肝理脾方合物八珍兼補血耆桂十全
大補湯去參苓朮雙和飲去芍加陳養榮湯脾胃
虛寒吐且瀉理中減苓加乾薑

註

四君子湯補養元氣虛弱通用之方卽人參

茯苓白朮炙草引用棗薑也異功散是於補
氣中兼理其氣卽四君子湯加陳皮也六君

子湯治脾虛痰飲卽四君子湯加橘紅半夏
也香砂六君子湯治胃虛嘔吐卽六君子湯
加藿香砂仁也七味白朮散治脾虛渴瀉卽
四君子湯加藿香葛根木香也參苓白朮散
治脾胃虛瀉卽四君子湯加薏苡桔梗山藥
蓮肉砂仁扁豆也歸脾湯治思慮損傷心脾
氣血卽四君子加當歸黃耆棗仁遠志木香
也逍遙散調肝理脾卽四君子湯減人參加
柴胡當歸白芍薄荷也八珍湯於補氣中兼

補其血卽四君子湯合四物湯也十全大補湯大補氣血卽八珍湯加黃耆肉桂也雙和飲平補氣血卽十全大補湯減人參茯苓白朮也人參養榮湯於補氣中專養榮血卽十全大補湯減川芎加陳皮也理中湯治脾胃虛寒吐瀉卽四君子湯去茯苓加乾薑也

四物湯

桂枝四物湯

麻黃四物湯

柴胡四物湯

玉燭散

婦人血病主四物歸芍白芍熟地黃血瘀改以赤芍藥血熱易用生地黃表熱有汗合桂草表熱無汗合麻黃少陽寒熱小柴並陽明熱合調胃湯

註

四物湯乃婦人經產一切血病通用之方故

主之也其方卽當歸川芎白芍藥熟地黃凡血瘀俱減白芍藥改用赤芍藥破之血熱俱去熟地黃易用生地黃涼之風感太陽衛分

發熱有汗本方合桂枝湯以桂枝甘草解之
名桂枝四物湯寒傷太陽榮分發熱無汗本
方合麻黃湯以麻黃杏仁桂枝甘草發之名
麻黃四物湯邪傳少陽半表半裏往來寒熱
本方合小柴胡湯以柴胡黃芩半夏人參甘
草和之名柴胡四物湯邪傳陽明裏熱便結
本方合調胃承氣湯以大黃朴消甘草下之
名玉燭散

先期證治

芩連四物湯

地骨皮飲

膠艾四物湯

芩朮四物湯

桃紅四物湯

當歸補血湯

聖愈湯

薑芩四物湯

佛手散

芎歸湯

先期實熱物芎連虛熱地骨皮飲丹血多膠艾熱
芎朮逐瘀桃紅紫塊黏血少淺淡虛不攝當歸補
血歸耆先虛甚參耆聖愈補熱滯薑芎丹附延逐
瘀芎歸佛手散又名芎歸效若仙

註

經水先期而至屬熱而實者用四物湯加黃
芩黃連清之名芎連四物湯屬熱而虛者用
四物湯加地骨皮丹皮涼之名地骨皮飲血
多無熱者用四物湯加阿膠艾葉止之名膠

艾四物湯血多因熱者用四物湯加黃芩白
朮和之名芩朮四物湯若血多有塊色紫稠
黏乃內有瘀血用四物湯加桃仁紅花破之
名桃紅四物湯先期血少淺淡乃氣虛不能
攝血也用當歸補血湯補之其方卽當歸黃
耆也若虛甚者則當用四物湯加人參黃耆
補之名聖愈湯若血滯少其色赤者乃熱盛
滯血用四物湯加薑黃黃芩丹皮香附延胡
通之名薑芩四物湯逐瘀須用佛手散卽四

物湯去生地白芍又名芍歸湯逐瘀血其效如神也

過期證治

過期飲

過期血滯物桃紅附莪桂草木香通血虛期過無
脹熱雙和聖愈及養榮

註

經水過期不至因血氣凝滯脹痛者用過期
飲其方卽四物湯加桃仁紅花香附莪木肉

桂甘草木香木通也若過期不至並不脹痛

者乃無血可行是血虛也宜用雙和飲聖愈
湯人參養榮湯

經行發熱證治

加味地骨皮飲

六神湯

經來身熱有表發內熱地骨加胡連經後六神加
者骨逍遙理脾而清肝

註

經來發熱有表邪證者用前桂枝四物等湯
發之若內熱者用地骨皮飲加胡連清之名

加味地骨皮飲經後發熱乃血虛內熱用四
物湯加黃耆地骨皮補而涼之名六神湯若
脾虛肝熱用逍遙散理脾而清肝

逍遙散

方見前

經行身痛證治

羌桂四物湯

黃耆建中湯

經來身痛有表發無表四物羌桂枝經後血多黃

耆建耆桂芍草棗薑飴

註
經來時身體痛疼若有表證者酌用前麻黃
四物桂枝四物等湯以發之若無表證者乃
血脈壅阻也宜用四物湯加羌活桂枝以疏
通經絡名羌桂四物湯若經行後或血去過
多者乃血虛不榮也宜用黃耆建中湯以補
之其方卽小建中湯桂枝白芍甘草薑棗飴
糖加黃耆也

經行腹痛證治

當歸建中湯

加味烏藥散

琥珀散

經後腹痛當歸建經前脹痛氣爲殃加味烏藥湯
烏縮延草木香香附榔血凝碍氣疼過脹本事琥
珀散最良稜莪丹桂延烏藥寄奴當歸芍地黃

註

經後腹痛或去血過多乃血虛也宜用當歸
建中湯補之其方卽小建中湯加當歸也經
前腹脹痛乃血氣凝滯若脹過於痛是氣滯
其血也宜用加味烏藥湯開之其方卽烏藥

縮砂延胡索甘草木香香附檳榔也若痛過
於脹是血凝碍氣也宜用琥珀散破之其方
卽三稜莪朮丹皮官桂延胡索烏藥劉寄奴
當歸赤芍生地黃也

大溫經湯

吳茱萸湯

胞虛寒病大溫經來多期過小腹疼歸芍草人
參桂吳丹膠半麥門冬不虛胞受風寒病吳茱萸
湯更加風藁細乾薑茯苓木減去阿膠參芍芎

註

凡胞中虛寒一切經病皆因經水來多胞虛
受寒所致或因受寒過期不行小腹冷痛者
宜用大溫經湯卽當歸川芎白芍炙草人參
肉桂吳茱萸丹皮阿膠半夏麥門冬也若胞
中不虛惟受風寒爲病宜吳茱萸湯依大溫
經湯方更加防風藁本細辛乾薑茯苓木香
減去阿膠人參白芍藥川芎卽是吳茱萸湯
也

經行吐瀉證治

經瀉參苓白朮散鴨澹清痛理中湯肌熱渴瀉七
味散嘔飲香砂六君湯

註

經來泄瀉乃脾虛也宜用參苓白朮散鴨澹
清澄冷痛乃虛寒也宜用理中湯肌熱渴瀉
乃虛熱也宜用七味白朮散嘔飲痰水乃虛
濕也宜用香砂六君子湯

經行吐衄證治

三黃四物湯

犀角地黄湯

經前吐衄爲熱壅三黃四物大芩連經後吐衄仍
有熱犀角地黃芍牡丹

註

經前吐血衄血乃內熱壅迫其血宜用三黃
四物湯瀉之其方卽四物湯加大黃黃芩黃
連經後吐血衄血雖仍有熱亦不宜瀉但當
用犀角地黃湯清之其方卽犀角生地黃赤
芍藥牡丹皮也

調經門彙方

四君子湯

人參

白朮

土炒

茯苓

各二錢

甘草

一錢

右剉薑棗水煎服

異功散

人參

白朮

土炒

茯苓

各二錢

甘草

五分

陳皮

二錢

右剉加生薑水煎服

六君子湯

人參

白朮
土炒

茯苓

半夏

陳皮 各一錢

甘草 五分
炙

右剉薑棗水煎服

香砂六君子湯
即本方加藿香葉砂仁

七味白朮散

人參

白朮
土炒

茯苓 各一錢五分

甘草 五分
炙

藿香

木香

乾葛 各一錢

右剉水煎服

參苓白朮散

人參

白朮

土炒

茯苓

山藥

炒

甘草

蓮肉

去心

白扁豆

各一錢五分
薑汁炒

薏苡仁

炒

砂仁

桔梗

各八分

右為細末每服二錢薑棗湯調服

歸脾湯

人參

黃耆

炙

白朮

土炒

茯神

當歸

龍眼肉

遠志

去心

棗仁

炒 各一錢

木香

甘草

炙 各五分

右剉薑棗水煎服

逍遙散

當歸

酒洗

白芍

酒炒

白茯苓

柴胡

各一錢

甘草

五分

白朮

一錢

右剉散水一盞半加薄荷煎服

八珍湯

人參

白朮

土炒

茯苓

甘草

熟地

當歸

川芎

白芍

各等分

右加薑棗煎服

十全大補湯

人參

白朮

茯苓

黃耆

當歸

熟地

白芍

川芎

各一錢

肉桂

甘草

各五分

右薑棗水煎服

雙和飲

即十全大補湯去人參白朮茯苓

人參養榮湯

即十全大補湯去川芎加陳皮

理中湯

白朮

人參

乾薑

甘草

灸各一錢

右剉水煎服

四物湯

熟地

二錢

川芎

一錢

白芍

炒二錢

當歸

二錢

右為粗末水煎服

芩連四物湯

即本方加黃芩黃連

苓朮四物湯 卽本方加黃芩白朮

桃紅四物湯 卽本方加桃仁紅花

羌桂四物湯 卽本方加羌活桂枝

柴胡四物湯

川芎 當歸

白芍 熟地 各一錢五分

柴胡 人參

黃芩 甘草 各二錢 五分

半夏 二錢 製

右爲末每五錢水煎服

玉燭散

當歸

川芎

熟地

白芍

各二錢

大黃

芒消

甘草

各一錢

右剉每服八錢水煎食前服

地骨皮飲

當歸

生地

各二錢

白芍 一錢

川芎 八分

牡丹皮

地骨皮 各二錢

水煎服

膠艾四物湯

熟地

當歸

川芎

白芍

阿膠 蛤粉末炒成珠

艾葉 各一錢

甘草 五分 炙

右剉水酒各半煎空心服

桂枝四物湯

當歸

熟地

川芎 各二錢

白芍 三錢

桂枝 三錢

甘草 一錢

薑棗煎服

麻黃四物湯

當歸

熟地

白芍

川芎 各二錢

麻黃

桂枝 各一錢

杏仁 二十粒

甘草 一錢

薑棗煎服

當歸補血湯

當歸 三錢

黃耆 一兩
蜜炙

薑右水煎服

聖愈湯

熟地

酒拌蒸半日

白芍

酒拌

川芎

人參

各七錢五分

當歸

酒洗

黃耆

各五錢
炙

右水煎服

薑苓四物湯

當歸

熟地

赤芍

川芎

薑黃

黃芩

丹皮

延胡索

香附

各等分
製

水煎服

佛手散

又名芎歸湯

川芎 二兩

當歸 三兩

右為細末每服二錢水一盞酒二分煎七分

溫服

過期飲

熟地

白芍

炒

當歸

香附

各二錢

川芎 一錢

紅花 七分

桃仁泥 六分

蓬莪朮

木通 各五分

甘草

炙

肉桂 各四分

木香 八分

右水二鍾煎一鍾食前溫服

加味地骨皮飲

生地

當歸

白芍 各二錢

川芎 八分

牡丹皮

地骨皮 各三錢

胡連 一錢

右水煎服

六神湯

熟地

當歸

白芍

川芎

黃耆

地骨皮

各等分

右咬咀水煎

小建中湯

白芍 三錢

桂枝 一錢

甘草 八分

右薑棗水煎服

黃耆建中湯

黃耆

肉桂 各一兩

白芍 二兩 炒

甘草 七錢 炙

右每服五錢薑棗水煎服日二三服

如虛甚者加附子

當歸建中湯

當歸 一兩

白芍 二兩 炒

肉桂 一兩

甘草 七錢 炙

右呔咀每服三錢加生薑棗水煎空心服

加味烏藥湯

烏藥

縮砂仁

木香

延胡索

香附

甘草

製

檳榔

各等分

右細剉每服七錢生薑三片水煎溫服

琥珀散

三稜

莪朮

赤芍

當歸

劉寄奴

丹皮

熟地

官桂

烏藥

延胡索

各一兩

右前五味用烏豆一升生薑半觔切片米醋
四升同煮豆爛為度焙乾入後五味同為末
每服二錢溫酒調下空心食前服

大溫經湯

吳茱萸

湯泡

丹皮

白芍

人參

肉桂

當歸

川芎

阿膠

碎炒

甘草

各一錢炙

麥冬

二錢去心

半夏

二錢半製

右加生薑水煎食前服

吳茱萸湯

當歸

肉桂

吳茱萸

丹皮

半夏

製

麥冬

各二錢

防風

細辛

百種藥十小上...

藁本

乾薑

茯苓

木香

炙甘草 各一錢

水煎服

三黃四物湯

當歸

白芍

川芎

生地

黃連

黃芩

大黃

右剉水煎服

大黃量虛實用

犀角地黃湯

芍藥 七錢半

生地 半觔

牡丹皮 一兩
去心淨酒浸

犀角 一兩
如無以川升麻代

右呔咀每服五錢水煎服

有熱如狂者加黃芩二兩

首燕收环之响黄器江雨

沐迎期每期正幾水煎服

果魚 破無翅 煎水煎服

球異文 去心 煎服

扶藥 十餘中 坐此 半煎

單飲此膏

大黃量温實用

本按水煎服

血滯經閉

石瘕寒氣客胞中狀如懷子不經行胞閉熱氣迫
肺欬傷心氣血不流通

註

經曰石瘕生於胞中寒氣客於子門子門閉
寒氣不得通惡血當瀉不瀉衄以留止日以
益大狀如懷子月事不以時下皆生於女子
可導而下此論經閉因寒氣客於下故病血
瘕而不病肺勞也經曰月事不來者胞衄閉

也胞脈者屬心而絡於胞中今氣上迫於肺
心氣不得下通故月事不來也此論胞脈閉
因熱氣攻於上故迫肺作欬病肺勞而不病
血痕也

血虧經閉

二陽之病發心脾不月有不得隱曲血枯其傳爲
風消息賁者死不能醫

註

二陽者陽明胃也女子有隱曲不得之情則
心脾氣鬱不舒以致二陽胃病飲食日少血

無以生故不月也血虛則生內熱愈熱愈虛
肌肉乾瘦如風之消物故名曰風消也火盛
無制心乘肺金金氣不行不能運布水精留
於胸中津液悉化爲痰咳嗽不已日久成勞
傳爲息賁則不能醫矣息賁者喘也

血枯經閉

脫血過淫產乳衆血枯漸少不行經骨蒸面白兩
顴赤懶食消瘦咳嗽頻

註

失血過多面與爪甲之色俱淺淡黃白乃脫

血病也或因過淫精竭或因產多乳衆傷血
血枯經來漸少二三月後經閉不行以致證
見骨蒸肌熱面色枯白兩顴紅赤懶於飲食
皮乾消瘦咳嗽頻頻不已多成虛損之證

久嗽成勞

男勞已詳心法內女損陰血傳風消或因病後素
稟弱經閉咳嗽血風勞

註

男子虛勞治法已詳於雜病心法要訣虛勞

門內女子之勞多因損其陰血或因病後傷

其陰血或因素稟陰血不足然必見陰虧
蒸血枯經閉咳嗽日久不已之證始名曰勞
若不咳嗽則謂之虛不可謂之勞也風消者
古勞證名也女子曰血風勞者蓋以內經曰
勞風發於肺下是謂虛病之人感受風邪則
肺受之故始病必先咳嗽也若不先解風邪
而卽補者未有不因久嗽不已而成勞者也
故曰血風勞也

婦人經斷復來

婦人七七天癸竭不斷無疾血有餘已斷復來審其故邪病相干隨證醫

註

婦人七七四十九歲時天癸竭地道不通當月水不下若月水不斷不見他證乃血有餘不可用藥止之若已斷或一年或三五年復來者當審其有故無故是何邪所干隨證醫治也

室女經來復止

室女經來復不來若無所苦不爲災必是避年未

充足若見虛形命可哀

註

室女年幼氣血尚未充足有經來數月復又不來者若無他證所苦則不得謂之災疾必是避年或氣血未充若兼見虛損形狀則爲室女血枯經閉童勞多屬難治故曰命可哀也

師尼室寡經閉

師尼室寡異乎治不與尋常婦女同診其脈弦出寸口知其心志不遂情調經若不先識此錯雜病

狀豈能明和肝理脾開鬱氣清心隨證可收功

註

師道姑也尼女僧也室未適夫之女也寡少而亡夫之婦也異乎治者謂不與尋常婦女同其治也如診其脈弦出寸口則知其心志不遂情志之爲病也凡欲調婦女一切經病若不先識此因則不能明情志錯雜難名之病狀也治此證者當以和肝理脾開鬱清心隨證施治自可收功也

血滯經閉證治

三和湯

石痕帶表吳茱萸攻理琥珀散最宜胞閉三和湯
四物消黃連薄草苓梔

註寒氣客於胞中血留不行而成石痕兼表證

多者宜吳茱萸湯溫散之裏證多者宜琥珀
散攻之胞脈閉上迫於肺心氣不得下通故
四時月事不來宜三和湯清之卽四物湯合涼膈
散乃樸消大黃連翹薄荷甘草梔子黃芩也

如大便不實者去消黃

吳茱萸湯

琥珀散

四物湯

方俱見前
調經門

血枯血虧經閉證治

六味地黃湯

胃熱燦血玉燭散失血血枯養榮湯地黃湯治房
勞損萸藥苓丹澤地良乳衆血枯經若閉須用十

全大補方

註經曰二陽之病發心脾女子不月二陽胃也

胃熱甚則爍其血血海乾枯故月事不下宜
以玉燭散泄其胃熱則經血自行若因素有
吐衄之證或生育過多則血海乾枯及房勞
過傷陰血乳衆傷其血液皆足以致經閉失
血多者宜養榮湯主之房勞過者以六味地
黃湯滋之卽山萸山藥白茯苓丹皮澤瀉熟
地黃也乳衆者以十全大補湯培補之

玉燭散

養榮湯

十全大補湯

俱見煎調經門

經閉久嗽成勞證治

劫勞散

月水不行蒸潮汗食減咳嗽血風勞劫勞散用參
苓芍歸地甘耆半味膠

註

經閉久嗽又見骨蒸潮熱盜汗自汗飲食減

少之證則為之血風勞宜用劫勞散即人參

茯苓白朮當歸生地甘草黃耆半夏五味子

阿膠也

婦人經斷復來

芩心丸

益陰煎

經斷復來血熱甚芩心醋丸溫酒吞益陰知藥龜
生地縮砂炙草棗薑尋血多熱去傷衝任十全大
補與八珍暴怒憂思肝脾損逍遙歸脾二藥斟

註

婦人七七四十九歲後天癸不行若止而復
來無他證者乃血有餘不得用藥止之若因

血熱者宜芩心丸用黃芩心末二兩醋丸溫

酒送下或用益陰煎卽知母黃蘗龜板生地
縮砂炙草也若血去過多熱隨血去衝任虛
損其血不固者宜十全大補湯八珍湯若因
怒氣傷肝肝不藏血憂思傷脾脾不攝血者
宜於逍遙散歸脾湯二方斟酌用之

十全大補湯

八珍湯

逍遙散

歸脾湯

俱見前
調經門

室女師尼寡婦經閉證治

大黃廔蟲丸

澤蘭葉湯

栝子仁丸

室女經閉多血結大黃廔蟲桃杏仁蟲蛭蟻糟甘
草芍乾漆生地及黃芩不足澤蘭歸草芍栝子仁
丸用栝仁熟地澤蘭牛卷續相兼久服自然行師
尼寡婦逍遙散附蘭丹地鬱梔芩

註

室女經閉多有氣血凝結者宜用大黃廔蟲

丸破血行氣其經自通方用大黃廔蟲桃仁
杏仁蟲蟲水蛭蟻蠹甘草白芍乾漆生地黃
芩蜜丸服若其人虛弱不任攻下則用澤蘭
葉湯卽澤蘭葉當歸甘草白芍也兼服栝子
仁丸方用栝子仁熟地澤蘭葉牛膝卷栝續
斷丸服煎丸並進久久其血自行至於師尼
寡婦經閉之證多屬鬱熱宜用逍遙散加香
附澤蘭葉丹皮生地鬱金黑梔黃芩以和肝
理脾清心開鬱其經自通也

逍遙散 方見前
調經門

婦病難治

諺云婦病不易治蓋以幽居情鬱疑執拗不喜望
聞問諱疾忌醫術莫施

註

寇宗奭曰寧治十男子莫治一婦人謂婦人
之病多不易治也蓋以婦人幽居情鬱憂恚
愛憎多疑所懷不遂性執偏拗診時又不令
醫師觀形望色聞聲問病富貴之家居奧室
之中處幃幔之內且復以帕蒙手既不能行

望色之神又不能盡切脈之巧未免詳問問
之覺繁反謂醫學不精往往並藥不信不知
問非易事非精於醫者必不能問也夫望聞
問切四者欲去其三卽是神醫亦無由施其
術也此古今之通患謂之曰婦人不易治不
誠然哉

診看婦人須先問經期妊娠

未診婦人女子病先問經期與妊娠不詳誤藥非
細事疑似難明昧所因

註

未診婦人女子之病必先問經期與有無妊
娠若不詳細審問倘用藥誤觸之則所關匪
細多變生他證疑似難明豈不昧其病之所
因哉

經閉門彙方

三和湯

當歸

川芎

大黃

朴消

白芍

地黃

黃芩

梔子

連翹

薄荷

甘草 各等分

右剉每服八錢水煎服

六味地黃湯

熟地 八錢

山萸肉

山藥 各四錢

丹皮

澤瀉 各三錢

茯苓 各三錢

右清水煎服

勞散

白芍 六兩

黃耆 四兩

甘草 炙

人參 去蘆

當歸

去蘆酒洗

熟地

洗淨焙乾

五味子

阿膠

炒珠 各一兩

右咬咀每服三錢水一盞生薑七片棗三枚煎至九分溫服無時日三

苓心丸

用黃苓心枝條者三兩

米泔浸七日炙乾又浸又炙如此七次

右爲末醋丸如桐子大每服七十九空溫

酒送下日進二服

益陰煎

生地

三錢

知母

黃蘗

各二錢

龜板

四錢
醋炙

縮砂仁

甘草

各一錢
炙

右剉水煎服

大黃塵蟲丸

大黃

赤芍

生地

桃仁

杏仁

乾漆

甘草

麈蟲

蝨蟲

蛭蟲

蟻螬

黃芩 各等分

右末煉蜜丸每服丸數量虛實增減

澤蘭葉湯

澤蘭葉 三兩

當歸

白芍 各一兩

甘草 五錢

右爲粗末每服五錢水二盞煎一盞溫服

栢子仁丸

栢子仁

炒另研

牛膝

酒洗

卷栢

各五錢

澤蘭葉

續斷

各二兩

熟地

三兩五錢酒浸半日石白內杵成膏

右爲細末煉蜜丸如桐子大空心水飲下三

十九丸

御纂醫宗金鑑卷四十五

編輯婦科心法要訣目錄

崩漏門

崩漏總括

崩漏證治

荆芩四物湯

加味四物湯

膠艾四物湯

琥珀散

八珍湯

十全大補湯

益氣養榮湯

補中益氣湯

益胃升陽湯

調經升陽除濕湯

失笑散

地榆苦酒煎

帶下門

宗金錄卷四十五

五色帶下總括

帶下證治

吳茱萸湯

補中益氣湯

六君子湯

六味地黃湯

歸脾湯

四物湯

清白散

四君子湯

導水丸

萬安丸

威喜丸

固精丸

加味四物湯

逍遙散

癥瘕積痞疝癖疝諸證門

癥瘕積聚痞疝瘀血血蠱總括

癥瘕證治

大七氣湯

食癥證治

烏藥散

血癥證治

血竭散

痞證治

助氣丸

積聚證治

開鬱正元散

瘀血血蠱證治

桃奴散

失笑散

玉燭散

痘癖疝證總括

痘癖證治

葱白散

疝病證治

當歸散

治諸積大法

嗣育門

胎孕之原

男女完實

種子時候

分男女論

雙胎品胎

脈見有子

胎男女論

辨別孕病

分經養胎

受孕分房靜養

安胎母子二法

胎前用藥三禁

安胎審宜調治

御纂醫宗金鑑卷四十五

編輯婦科心法要訣

崩漏門

崩漏總括

淋瀝不斷名爲漏忽然大下謂之崩紫黑塊痛多
屬熱日久行多損任衝脾虛不攝中氣陷暴怒傷
肝血妄行臨證審因須細辨虛補瘀消熱用清

註

婦人經行之後淋瀝不止名曰經漏經血忽
然大下不止名爲經崩若其色紫黑成塊腹

脇脹痛者屬熱瘀若日久不止及去血過多
而無塊痛者多係損傷任衝二經所致更有
憂思傷脾脾虛不能攝血者有中氣下陷不
能固血者有暴怒傷肝肝不藏血而血妄行
者臨證之時須詳審其因而細細辨之虛者
補之瘀者消之熱者清之治之得法自無不
愈

崩漏證治

荆芩四物湯

崩漏血多物膠艾熱多知栢少芩荆漏瀉香附桃
紅破崩初脹痛琥珀攻日久氣血衝任損八珍大
補養榮寧思慮傷脾歸脾治傷肝逍遙香附青

註

崩血漏血去血過多者宜用膠艾四物湯補
之如屬熱多者宜用知藥四物湯清之熱少
者宜用荆芩四物湯和之若漏血瀉少此屬
血滯宜用四物湯加香附桃仁紅花破之若
崩血初起脹痛此屬瘀凝宜用琥珀散攻之
崩漏日久氣血已虧衝任傷損者宜用八珍

湯十全大補湯人參養榮湯量補其損傷若
因思慮傷脾者宜用歸脾湯補之恚怒傷肝
者宜用逍遙散加炒香附青皮平之

膠艾四物湯

四物湯

琥珀散

八珍湯

十全大補湯

人參養榮湯

歸脾湯

逍遙散

方俱見前調經彙方內

補中益氣湯

益胃升陽湯

氣陷補中益氣舉保元升柴歸朮陳益胃升陽加

苓麩腹痛加芍嗽減參

註

崩漏日久脾傷食少中氣下陷不能載血者

宜用補中益氣湯益胃升陽湯升舉之補中

益氣湯即人參黃耆甘草保元湯加升麻柴

胡當歸白朮陳皮也益胃升陽湯卽補中益
氣湯加黃芩神麩也若腹痛者宜加白芍藥
有熱者用黃芩無熱者用肉桂調之咳嗽者
肺熱也減人參

調經升陽除濕湯

夾水水瀉不甚弱調經升陽除濕湯耆草升柴歸
蒼朮羌獨藁本蔓荊防

註

崩漏下血夾水或日水瀉一二次形氣不甚
弱者宜用調經升陽除濕湯其方卽黃耆甘

草升麻柴胡當歸蒼朮羌活獨活藁本蔓荊
子防風也以風藥先勝其濕若形氣虛弱者
則當加人參陳皮合補中益氣湯補中勝濕
可也

失笑散

地榆苦酒煎

殺血心痛失笑散蒲黃五靈脂定疼崩血不已防
滑脫地榆苦酒煎止崩

註

崩血心腹痛甚者名曰殺血心痛乃血滯不

散宜用失笑散其方卽蒲黃五靈脂也先定
其痛痛止然後隨證治之若崩血補之仍然
不止者當防其滑脫宜用地榆一兩醋煎露
一宿次早溫服立止止後隨證治之名地榆
苦酒煎

崩漏門彙方

補中益氣湯

黃耆

人參

白朮

甘草

各一錢

當歸

陳皮 各七分

升麻

柴胡 各三分

右剉薑棗水煎服

益胃升陽湯

黃耆 二錢

人參 一錢
有嗽去之

神麴 一錢五分
炒

白朮 三錢

當歸 酒洗

陳皮

甘草 各一錢
炙

升麻

柴胡 各五分

生黃芩 二錢
秋涼不用

右為麤末每服三錢或五錢如食添再加之
如食減只服三錢或更減之不可多服水煎
去滓熱服

升陽除濕湯

黃耆

蒼朮

羌活

各一錢五分

防風

藁本

升麻

柴胡

甘草

各一錢

獨活

五分

蔓荊子

七分

右叟咀水五大盞煎至一大盞去滓稍熱
空心服畢待少時以蚤膳壓之

失笑散

五靈脂

蒲黃 各等分

右爲末先用醎醋調二錢熬膏入水一盞煎
至七分食前熱服良驗

地榆苦酒煎

地榆 一兩

醋煎露一宿次蚤溫服立止止後隨證調治

之 苦酒 卽 醋 也

此 針

服 餘 苦 酢 糖 漿

升 陽 聖 子 令 食 前 燕 粥 夏 劍

香 盒 末 去 用 麴 醋 隨 二 錢 蒸 膏 入 水 一 盞

五 靈 韻

靈 黃

香 華 合

决 矣 精

是 空 心 胆 畢 精 少 雜 以 菴 瀉 聖 之

身 體 短 水 正 大 蓋 煎 至 一 大 盞 止 煎 時

帶下門

五色帶下總括

帶下勞傷衝與任邪入胞中五色分青肝黃脾白
主肺衄血黑腎赤屬心隨人五臟兼濕化治從補
瀉燥寒溫更審瘡膿瘀血化須別胞膀胱濁與淫

註

帶下者由於勞傷衝任風邪入於胞中血受
其邪隨人藏氣濕熱濕寒所化故色青者屬
肝爲風濕色赤屬心爲熱濕色黃屬脾爲虛
濕色白屬肺爲清濕色黑屬腎爲寒濕也其

從補從瀉從燥從瀼從寒從溫則隨證治之
更審其帶久淋瀝之物或臭或腥穢乃敗血
所化是胞中病也若似瘡膿則非瘀血所化
是內癰膿也若如米泔兼尿竅不利乃膀胱
白濁病也若尿竅通利從精竅出或如膠黏
乃胞中白淫病也

帶下證治

邪入胞中吳茱萸赤黏連梔青防梔白朮益氣黑
六味黃淡六君或歸脾

註帶下因六淫之邪入於胞中者宜吳茱萸湯
若色赤色黃而濁黏者熱也色黃者加黃連
梔子色青者加防風梔子若色白色黑而清
稀者虛寒也色白者用補中益氣湯色黑者
用六味地黃湯色黃而淡者宜六君子湯或
加味歸脾湯分證調治可也

吳茱萸湯

補中益氣湯

六味地黃湯

六君子湯

歸脾湯

方俱見首卷彙方

吳茱加味四物湯

胞中冷痛乃寒濕四物附子桂薑宜臭腥兼合知
藥用久滑升柴龍牡脂

註

帶下而胞中熱痛乃熱濕也今胞中冷痛乃

寒濕也宜四物湯加川附子炮薑官桂服之
日久滑脫者加升麻柴胡舉之龍骨牡蠣赤

石脂瀉之

四物湯

方見前調經門彙方內

清白散

帶下濕熱清白散四物薑炭草蘘椿赤榆荆苓濕
二朮滑加龍牡久合君

註

帶下五色帶下也皆濕熱所化宜用清白散

其方卽四物湯加薑炭甘草黃蘘椿皮也色

赤加地榆荆芥黃芩濕加蒼朮白朮滑加龍

骨牡蠣久則合四君子湯也

四物湯

四君子湯

俱見前調經門彙方內

導水丸

萬安丸

帶下有餘皆濕化少腹脹疼污水綿導水牽滑芩

軍熱萬安牽椒茴木寒

註

五色帶下皆從濕化若少腹脹痛污水綿綿

下屬濕熱者宜用導水丸其方即牽牛滑石黃

芩生軍治熱有餘也屬濕寒者宜用萬安丸

其方即牽牛胡椒小茴香木香治寒有餘者

也

威善丸

固精丸

瘀化瘡膿濁淫病虛實寒熱酌其宜威善蠟苓固

精菟韭味桑苓龍牡脂

註

帶下有因瘀血所化或瘡瘍膿出及白濁白

淫者皆帶下類也其虛實寒熱當酌其宜藥

用威善丸卽黃蠟茯苓也固精丸卽菟絲子

韭菜子五味子桑螵蛸茯苓龍骨牡蠣赤石

脂也于正和于桑熟能芬芬諸骨其

帶下門彙方共鳴黃能芬芬也固辭式鳴黃歸于

清白散皆皆帶下厥也其虛實寒熱當辨其宜藥

當歸不背因瘀血黃蘗鹽水泡

白芍炒樗根皮酒炒

生地熟地川芎酒其宜

貝母各一錢炮薑

甘草各五分

右剉生薑三片水煎服

導水丸

牽牛

頭末

滑石

水飛

黃芩

川大黃

右末蒸餅為丸量虛實服

萬安丸

牽牛

頭末

胡椒

木香

小茴香

各等分
焙

右末水泛為丸量虛實服

威喜丸

白茯苓

四兩去皮作塊用猪苓二錢半同於磁器內煮二十餘沸出晒乾不用猪苓

黃蠟

四兩

右以茯苓為末煉黃蠟為丸如彈子大空心

細嚼滿口生津徐徐咽服以小便清為度忌

米醋只喫糠醋忌動氣

固精丸

牡蠣

煨粉

菟絲子

酒蒸焙

韭子

炒

龍骨

五味子

白茯苓

桑螵蛸

酒炙

白石脂

各等分

右為末酒糊丸如桐子大每服七十丸空心

鹽湯下

定處寂聚推移無

塊血癆

固精丸

米醋

牡蛎

葛根

酒蒸

韭子為末 酢罨 共收 罨干 大罨 罨十 罨空 罨

桑葉

酢炙

白芍

各等分

癥瘕疝癖諸證門

癥瘕積聚痞瘀血血蠱總括

五積六聚分藏府七癥八瘕氣血凝癥積不動有
定處瘕聚推移無定形痞悶不宣氣壅塞未成堅
塊血瘀名蓄久不散成血蠱產後經行風冷乘

註

五藏氣積名曰積故積有五證六府氣聚名
曰聚故聚有六證難經有心肝脾肺腎五藏
之積而無六聚蓋以積爲血病而聚爲氣病
也故李杲有五積丸方治法巢氏病源載七

癥八瘕但有八瘕名證而無七癥病形其他
方書亦不概見大抵又以癥爲氣病而瘕爲
血病也夫病皆起於氣必氣聚而後血凝不
必過泥於黃青燥血脂狐蛇鱉等名但以牢
固不移有定處者爲癥爲積推移轉動忽聚
忽散者爲瘕爲聚可也故曰癥者徵也言有
形可徵也瘕者假也言假物成形也若夫痞
者痞悶不通氣道壅塞之謂也瘀血者血瘀
腹中未成堅塊也蓄之旣久必成血蠱矣凡

此諸證皆由新產之後經行之時不知謹避以致風冷外襲邪正相搏結於腹中而成也
癥瘕證治

大七氣湯

婦人一切癥瘕病上下攻疼七氣湯藿香益智稜
莪木甘桔青陳肉桂香

註

婦人一切癥瘕隨氣上下攻築疼痛者宜大

七氣湯其方卽藿香葉益智仁京三稜蓬莪

朮甘草桔梗青皮陳皮肉桂心木香也

食癥證治

烏藥散

經行產後食生冷臟氣相搏結塊形牢固不移日漸長開滯消積溫散行烏藥散烏朮朮木香當歸青桂心

註

婦人經行產後貪食生冷之物與臟氣互相搏聚結成堅塊牢固不移日漸長大者治宜開滯消積用烏藥散卽烏藥桃仁朮朮木香當歸青皮桂心以溫散之自愈

血癥證治

血竭散

乘臟虛兮風冷干飲食內與血相搏因成血癥堅
牢固脇腹脹痛熱而煩少食多忘頭汗出血竭歸
芍蒲桂延

註

婦人產後經行之時臟氣虛或被風冷相干
或飲食生冷以致內與血相搏結遂成血癥
牢固不移脇腹脹痛內熱心煩食少善忘但
頭汗出者宜用血竭散卽血竭當歸赤芍蒲

黃桂心延胡索也

痞證治

助氣丸

三焦痞滿胸膈悶氣不宣通助氣清白朮三稜蓬
莪朮枳殼檳榔香與陳

註

婦人胸膈痞悶謂之痞由於氣壅不宣所致
宜助氣丸卽青皮白朮三稜莪朮枳殼檳榔
木香陳皮爲丸服也

積聚證治

開鬱正元散

積聚通用正元散芩朮青陳麩麥延香砂海粉查
甘桔痰飲食積血氣搏

註

五積六聚乃痰飲食積氣血搏結而成通用
開鬱正元散其方卽茯苓白朮青皮陳皮神
麩麥芽延胡索香附砂仁海粉山查甘草桔
梗也用以健脾消食化痰滲飲理氣和血則
積聚未有不愈者矣

瘀血血蠱證治

桃奴散

腹中瘀血未成形面黃發熱腹脹疼產後經來風
冷客血室之內有瘀停產後惡露失笑散經閉瘀
凝玉燭攻血蠱桃奴猥鼠糞延桂砂桃附五靈

註

婦人產後經行之時傷於風冷則血室之內
必有瘀血停留未成堅塊故不名癥瘕也其
人必面色萎黃臍腹脹痛內熱晡熱若產後
惡露不行者宜失笑散若經閉不通瘀血凝
聚者宜玉燭散瘀血不行蓄之既久必成血

蠱宜用桃奴散卽桃奴猥鼠糞延胡索桂心
砂仁桃仁香附五靈脂也猥鼠糞一名兩頭
尖卽雄鼠屎桃奴卽桃樹上未成不落之乾
桃子也

失笑散

方見首卷崩漏

玉燭散

方見首卷彙方內

疝瘕疝證總括

臍旁左右一筋疼突起如弦疝證名僻在兩肋名

曰癖高起如山疝病稱必引少腹腰脇痛三證皆

由風冷成或作或止因寒發痛時方見不痛平

註

婦人臍之兩旁有筋突起疼痛大者如臂小

者如指狀類弓弦者名曰疝瘕在兩肋之間

疝者名曰瘕若小腹牽連腰脇疼痛高起者謂

疝之疝名雖有三其實皆因風冷客於胞中而

然故其發作皆因再受風冷發則痛痛則見

不痛則平復如初也

疝瘕證治

葱白散

婦人疝癖腹肋痛風冷血氣結而成葱白四物參
苓枳桂朴薑香青莪稜茴香麩麥苦楝子葱鹽煎
服訶黃斟

註婦人疝癖腹肋疼痛者皆因風冷與氣血搏

結而成宜用葱白散溫散之其方卽四物湯
加入參茯苓枳殼肉桂厚朴乾薑木香青皮
莪朮三稜茴香神麩麥蘗苦楝子葱白食鹽
煎服也大便結燥去鹽加大黃如大便自利

四物加訶子

四物湯 方見首卷彙方內

疝病證治

當歸散

婦人疝病氣攻冲脇腹刺痛當歸芍藥甲吳萸桃
仁芍桂榔青木大黃蓬

註

婦人疝病攻衝刺痛多因風冷寒濕客於胞

門血室故其病皆屬厥陰肝經宜當歸散即

當歸川芍藥甲吳萸萸桃仁赤芍肉桂檳榔

青皮木香大黃蓬莪朮也

治諸積大法

形虛病盛先扶正形證俱實去病急大積大聚衰
其半須知養正積自除

註

凡治諸癥積宜先審身形之壯弱病勢之緩

急而治之如人虛則氣血衰弱不任攻伐病

勢雖盛當先扶正氣而後治其病若形證俱

實宜先攻其病也經云大積大聚衰其半而

止蓋恐過於攻伐傷其氣血也羅天益曰養

正積自除可謂得經旨者矣

癥瘕積痞血蠱門彙方

大七氣湯

三稜

莪茂

各煨切

青皮

去穰

陳皮

去白

木香

藿香

益智仁

桔梗

肉桂

甘草

各七錢半

右咬咀每服五錢水二盞煎至一盞食前溫

服

烏藥散

烏藥

莪茂

桂心

當歸

炒

桃仁

青皮

木香

各等分

右為末每服二錢熱酒調下

血竭散

真血竭

如無紫礦代

當歸

赤芍

蒲黃

延胡索

右等分研細頻篩再研取盡為度每服一錢
用童便合好酒半大盞煎一沸溫調下方產
下時一服上牀良久再服其惡血自循經下
行不致衝上免生百病

助氣丸

京三稜

蓬莪茂

二味各用濕紙包灰火中煨透

切片各二觔

青皮

去白

陳皮

去白

白朮

各十五兩

枳殼

麩炒去穰

檳榔

木香

各十兩

右爲末糊丸桐子大每服五十丸滾水下

開鬱正元散

白朮

陳皮

青皮

香附

山查

海粉

桔梗

茯苓

砂仁

延胡索

麥芽

炒

甘草

炙

神麴

各等分
炒

右剉每服一兩生薑三片水煎服

桃奴散

桃奴

炒

雄鼠糞

炒兩頭尖者是

延胡索

肉桂

五靈脂

香附

炒

砂仁

桃仁

各等分

右為末每服三錢酒調下

葱白散

當歸

熟地

赤芍

川芎

人參

茯苓

枳殼

肉桂

厚樸

乾薑

木香

青皮

義茂

三稜

茴香

神麩

麥芽

苦棟子 各等分

右末加葱白三寸食鹽五分煎服三錢
木大便結燥去鹽加大黃便自利加訶子

當歸散

當歸

川芎 各二錢

鱉甲 三錢
醋炙

吳茱萸

桃仁 十五粒

赤芍

肉桂 各一錢

檳榔

青皮 各八分

木香

莪茂

川大黃 各七分

右爲末每服一錢水一盞入乾燕脂一錢同煎六分服食後

嗣育門

胎孕之原

天癸先天生身氣精血後天化成形男子二八天
癸至屬陽應日精日盈女子二七天癸至屬陰應
月血月通男女媾精乃有子乾道男成坤女成

註

天癸乃父母所賦先天生身之真氣也精血
水穀所化後天成形之本也男子二八先而
腎氣盛天癸至與後天所生之精會合而盈
然男子屬陽陽應日故精盈而日舉也女子

二七先天腎氣實天癸至與後天所生之血
會合而盛然女子屬陰陰應月故血盛而月
下也所以至期男女媾其先天真氣後天精
血陰陽會和乃能有子也當此陰陽會合時
陽盛自然成男是乾道成男也陰盛自然成
女是坤道自然成女也

男女完實

精通必待三十聚天癸二十始適人皆欲陰陽完
實後育子堅壯壽偏增

註
男子十六而精通必待三十而娶女子十四
而天癸至必待二十而嫁者皆欲陰陽完實
然後交而孕孕而育育而其子必堅壯長壽
也今未笄之女天癸始至已近男色則陰氣
早瀉未完而傷未實而動所以雖交而不孕
孕而不育育而其子必脆弱不壽也

種子時候

男子聚精在寡慾交接乘時不可失須待細蘊時
候至樂育難忍是真機

註

聚精之道惟在寡慾交接女子必乘其時不
可失之遲早蓋婦人一月經行一度之後必
有一日細蘊之時氣蒸而熱如醉如痴有欲
交接不可忍之狀乃天然節候是成胎生化
之真機也

分男女論

精血先後分男女或以奇偶少多分或以子宮左
右定是皆不曉箇中因欲識此中真消息乾道陽

男坤女陰

註

分男女之說先賢有以血先至裹精則成

精先至裹血則成女精血散分並裹則爲駢

胎品胎之原者有以月水盡後一三五日成

男二四六日成女與夫經水斷後一二日成

男四五日成女者有以受氣於左子宮成男

受氣於右子宮成女者皆各執一見殊爲不

曉此中因也蓋獨男獨女之胎可以日數論

駢胎品胎或男或女亦可以日數論乎稽之

史載一產三子四子有半男半女或男多女

少男少女多者則一三五日爲男二四六日
爲女之說不可憑矣抑豈有一日受男而二
日復受女之理乎丹田命門也在男子曰精
室在女子曰子宮形如合鉢並無兩岐可分
曰左右則是有兩子宮矣此說尤屬不經然
則何以定之亦惟以會合天人陽盛乾道成
男陰盛坤道成女斯足爲確論耳

雙胎品胎

古以雙胎精氣盛不成男女或兼形陰陽變常駁

氣盛事之所有理難明

註

古以雙胎乃精氣有餘岐而分之血因分而攝之故也若男同孕者剛日陽時也女同孕者柔日陰時也男女同孕者剛日陰時或柔日陽時也其他或有不成男女男不可爲父女不可爲母與男女之兼形者又皆陰陽變常駁氣所感事之所有理之所無莫可稽者者也

娠見有子

少陰動甚知有子陰搏陽別尺寸憑但搏不滑胎
三月搏而滑石五月形

註

少陰督脈動甚者有子脈也但當憑其兩尺
陰脈搏指有力兩寸陽脈不搏指而別於兩
尺斯爲有子脈無疑也其但搏不滑者主三
月之胎搏而滑者主五月之胎也

胎男女辨

上小下大女腹箕中正圓高男腹釜右疾爲女左
疾男胎氣鍾於陰陽主

註

上小下大如箕之形蓋以女胎面向母腹其足膝抵腹故有是形也中正圓高如釜之形蓋以男胎面向母背則背脊抵腹故有是形也右手屬陰衄疾爲女左手屬陽衄疾爲男是胎氣鍾於陰則右盛主女鍾於陽則左盛主男也

辨別孕病

孕病不分須診乳五月之後乳房升何以知其母子吉身雖有病衄和平

註
婦人經水不至不分是孕是病者五個月之
後以孕婦乳房辨之若乳房升大有乳者是
胎若乳房不大無乳者是病也凡孕婦有病
其險可知亦何以知其母子俱吉惟診其脈
象和平則雖有病知均吉無慮也

分經養胎

分經養胎不足憑無所專養論不經形始未分無
不具陰陽之道漸分形

註
巢元方曰妊娠一月名胚胎足厥陰脈養之

二月名始膏足少陽脈養之三月名始胎手
心主脈養之當此時血不流行形象始化四
月始受水精以成血脈手少陽脈養之五月
始受火精以成氣足太陰脈養之六月始受
金精以成筋足陽明脈養之七月始受木精
以成骨手太陰脈養之八月始受土精以成
膚革手陽明脈養之九月始受石精以成毛
髮足少陰脈養之十月五藏六府關節人神
皆備又有推巢元方養胎之說謂四時之令

必始於春所以一月二月間是足厥陰少陽
木也三月四月間手厥陰少陽火也五月六
月間足太陰陽明土也七月八月間手太陰
陽明金也九月十月間足少陰太陽水也惟
手少陰太陽二經無所專養者以君主之官
無爲而已此說更爲不經夫男女交接精血
聚而成胚此孕形之始也雖未分身軀藏府
而其理無不具也猶太極渾然包羅萬象而
陰陽之一氣氤氳浸漸化生而成子母分形

自然而然如草木成熟殼脫蒂落也

受孕分房靜養

受孕分房宜靜養謹戒食味使脾安調其喜怒防
驚恐慎厥起居避風寒

註

受孕之後分房靜養恐動相火致生胎毒謹
戒飲食五味使其脾胃調和母之氣血易生
子之形成必育內調七情外避風寒起居安
順不持重用力不安逸多睡不登高涉險則

母無病子亦安矣

安胎母子二法

安胎之道有二法母病胎病要詳分母病動胎但
治母子病致母審胎因

註

安胎之道有二法母病胎病當詳分而施治
也凡因母病以致胎動者但療其母母安則
胎自安或因胎病有所觸動以致母病者但
宜安胎胎安則母自愈矣

胎前用藥三禁

胎前清熱養血主理脾疎氣是爲兼三禁汗下利

小便隨證虛實寒熱看

註

丹溪曰胎前當清熱養血爲主恐傷陰血也
理脾脾健則氣血易生疎氣氣順則氣血調
和理脾疎氣兼以清熱養血則胎自安矣三
禁者汗下利小便也蓋恐過汗亡陽傷氣過
下亡陰傷血利小便傷津液也然又當隨證
詳審表裏虛實寒熱以施其治不可過峻也

安胎審宜調治

形瘦不宜過熱品體盛補氣恐動痰安胎芩朮爲

要藥佐以他藥任抽添火盛倍苓痰倍朮血虛四
物氣四君杜續膠艾胎不穩氣盛蘇腹枳砂陳

註

形瘦之人多火過用溫熱則傷陰血肥盛之
人多痰過於補氣恐壅氣動痰白朮消痰健
脾條芩清熱養陰二味爲安胎要藥若有他
證則以藥佐之或減白朮加條芩或加白朮
減條芩任其抽添如火盛則當倍苓以清火
痰盛則當倍朮以消痰血虛則合四物湯以
補血氣虛則合四君湯以補氣胎不安穩更

佐以杜仲續斷阿膠艾葉以安之若氣盛則
高則加紫蘇大腹皮枳殼砂仁陳皮以舒之

四物湯

四君子湯

方俱見首卷彙方內

嗣育門彙方

加味地黃丸

治婦人經水不調必不能受孕即使受之亦不
全美宜常服此方

熟地

四兩

山萸肉

山藥 各二兩

牡丹皮

白茯苓 各一兩五錢

澤瀉

香附 各一兩
童便浸三次

右為末煉蜜丸如梧子大每服七十九白沸

湯送下

滌痰湯

治婦人肥盛者多不受孕以身中有脂膜閉塞

子宮也以此湯送後丸藥

當歸 一兩

茯苓 四兩

川芎 七錢五分

白芍藥

白朮 土炒

半夏 製

香附米

陳皮

甘草 各一兩

右作十貼每貼薑三片水煎吞後九子

滌痰丸

白朮 二兩 土炒

半夏 麩

川芎

香附米 各一兩

神麩 炒

茯苓 各五錢

橘紅 四錢

甘草 二錢

右為末粥丸每服八十丸

如熱者加黃連枳實 各一兩

大補丸

治婦人瘦弱多由血少不能受孕宜常服此方

天冬 去心

麥冬 去心

菖蒲

茯苓

人參

益智仁

枸杞子

地骨皮

遠志肉

香右為細末煉蜜丸如桐子大空心酒下三十

丸

菘蓉菟絲子丸

此方不寒不熱助陰生子

肉菘蓉

一兩三錢

覆盆子

蛇牀子

川芎

當歸

菟絲子

各一兩二錢

白芍藥

一兩

牡蠣

鹽泥固假

烏鰂魚骨 各八錢

五味子

防風 各六錢

條芩 五錢

艾葉 三錢

肉右為末煉蜜丸如桐子大每服三四十九鹽湯下早晚皆可服

調經丸

理氣養血調經種子

香附 川杜仲 薑汁炒

八兩

大川芎 白芍藥

常山去尾

懷生地

陳皮

小茴香

酒炒

延胡索

肉蓯蓉

畧炒

酒炒

舊青皮

台烏藥

麩炒

炒

枯黃芩

烏鰂魚骨

酒炒

以上各四兩
酥炙

右十四味稱足真正好醋和麩打糊為丸如

梧桐子大每服百丸空心好酒送下

一方無陳皮地黃有人參黃耆各二兩